

Baca nota di bawah terlebih dahulu sebelum menyiapkan latihan di bawah. Boleh rujuk buku teks ms 11.

KATA ADJEKTIF

Kata adjektif atau kata sifat ialah perkataan yang boleh menjadi unsur inti dalam binaan frasa adjektif. Kata adjektif boleh dibahagikan kepada sembilan kelompok, iaitu sifat atau keadaan, warna, ukuran, bentuk, waktu, jarak, cara, perasaan, dan pancaindera.

Contoh:

Kata adjektif warna – perang, biru, kelabu, hijau
Kata adjektif bentuk – leper, bengkok, bulat, lonjong
Kata adjektif perasaan – sayang, suka, benci, gembira
Kata adjektif waktu – lewat, cepat, baru, awal
Kata adjektif sifat atau keadaan – baik, lemah, sihat, takut
Kata adjektif ukuran – kecil, besar, nipis, tebal
Kata adjektif jarak – jauh, dekat, hampir, rapat
Kata adjektif cara – laju, deras, jelas, sering
Kata adjektif pancaindera – lazat, lemak, pahit, manis

5.1	5.1.2	Tatabahasa
-----	-------	------------

AKTIVITI



1. Baca dan senaraikan kata adjektif warna, bentuk, dan waktu berdasarkan bahan.
2. Bina ayat daripada kata adjektif tersebut dengan betul mengikut konteks yang sesuai.

Pahit tetapi Penawar

Pada kebiasaannya, kita akan ke farmasi untuk mendapatkan ubat apabila kita demam atau mengalami sakit ringan seperti pening, selesema, dan batuk. Ubat-ubatan ini dijual dalam pelbagai bentuk, warna, dan saiz. Ada saiz yang besar dan ada pula yang kecil.

Terdapat pil yang berbentuk bujur, bulat, lonjong, leper, dan ada juga yang berbentuk segi empat. Pil-pil ini juga terdapat dalam pelbagai warna seperti putih, kuning, merah jambu, hitam, biru, hijau, dan bermacam-macam lagi.

Selain itu, ubat-ubatan ini juga berbeza mengikut waktu pengambilannya. Ada yang perlu dimakan pada awal pagi, tengah hari, petang, atau sebelum tidur pada waktu malam.

Ubat perlu diambil sebelum atau selepas waktu makan seperti yang disarankan oleh pegawai perubatan mengikut arahan preskripsi yang tertera pada label ubat.

Senaraikan kata adjektif warna, bentuk dan waktu berdasarkan bahan di atas

Warna	
Bentuk	
Waktu	

Bina enam ayat berdasarkan tiga kata adjektif di atas. Dua dari kata adjektif warna, dua dari kata adjektif bentuk dan dua dari kata adjektif waktu

Bil	ayat
1	
2	
3	
4	
5	
6	